

Bosna i Hercegovina
FEDERACIJA BOSNE I HERCEGOVINE
SREDNJOBOSANSKI KANTON
OPĆINA GORNJI VAKUF – USKOPLJE
Sužba za lokalni razvoj i stambeno
komunalne poslove



Bosna i Hercegovina
FEDERACIJA BOSNE I HERCEGOVINE
KANTON SREDIŠNJA BOSNA
OPĆINA GORNJI VAKUF – USKOPLJE
Sužba za lokalni razvoj i stambeno
komunalne poslove

Broj: 04-05-3282/17

Datum: 25.10.2017 godine



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
KANTON SREDIŠNJA BOSNA
OPĆINA GORNJI VAKUF-USKOPLJE
OPĆINSKO VIJEĆE

Općinsko vijeće
Općina Gornji Vakuf – Uskoplje

PRIMLJENO: 26.10.2017.			
ORG.JED.	BROJ	PRILOGA	VRJED
01-05	-100	17	

Predmet: Informacija o funkcioniranju Mjesnih zajednica (MZ) u
Općini Gornji Vakuf-Uskoplje u 2017 godini.

Mjesna zajednica se osniva kao obavezan oblik mjesne samouprave putem kojih građani sudjeluju u odlučivanju o poslovima iz samoupravnog djelokruga i lokalnim poslovima koji neposredno i svakodnevno utiču na njihov život i rad.

Mjesnu zajednicu osniva Općinsko vijeće svojom odlukom, a osniva se za jedno naseljeno mjesto, više međusobno povezanih manje naseljenih mjesta ili za veći dio naselja koji u odnosu na ostale dijelove naselja čine prostornu i urbanu cjelinu. Mjesna zajednica ima svojstvo pravnog lica i ima statut kojim se utvrđuju poslovi i organizacija MZ, organi MZ, radna tijela, način njihovog rada i odlučivanja, javnost rada i informisanja, saradnja sa općinskim i drugim organima i organizacijama i druga pitanja od značaja za rad mjesne zajednice.

Organi mjesne zajednice su: zbor građana, savjet/vijeće mjesne zajednice i stalna i povremena tijela mjesne zajednice.

Građani u mjesnoj zajednici kroz tijela MZ-e odlučuju o poslovima značajnim za život i rad na području mjesne zajednice, a naročito:

- pokreću i sudjeluju u javnoj raspravi u pripremi i donošenju urbanističkih planova na području mjesne zajednice, pokreću inicijative, daju mišljenja i sudjeluju u gradnji komunalnih objekata u općoj upotrebi,
- pokreću i sudjeluju u raspravama o inicijativama i aktivnostima za razvoj privrede i društvenih djelatnosti,
- brinu o zaštiti osoba kojima je potrebna pomoć i u tu svrhu pokreću saradnju sa stručnim tijelima iz djelatnosti socijalne zaštite,
- brinu i pospješuju razvoj kulture i sporta i stvaraju uslove za dostupnost ustanova i objekata kulture i sporta svim građanima,
- stvaraju uslove i poduzimaju mjere za očuvanje i zaštitu prirodnih i ostvarenih vrijednosti čovjekove sredine,
- drugim poslovima utvrđenim statutom mjesne zajednice.

Pored navedenih poslova Odlukom općinskog vijeća mjesnoj zajednici mogu biti prenijeti i neki stručni poslovi iz samoupravnog djelokruga Općine.

Mjesne zajednice preko Savjeta MZ predstavljaju veoma važnu kariku koja povezuje građane i općinu, posebno se to odnosi na ruralne dijelove općine.

Područje općine organizovano je u skladu sa Odlukom općinskog vijeća Gornji Vakuf-Uskoplje u 15 mjesnih zajednica, a to su:

- 1) MZ Voljevac, sa sjedištem u Voljevcu. Savjet mjesne zajednice ima 9 članova.
Obuhvata područja naseljenih mjesta Voljevac, Seferovići, Zastinje, Pridvorci, Borova Ravan, Cvrče, Svilići, Crkvice, Valice, Kozice, Jelići i Smrčevica.
- 2) MZ Dobrošin sa sjedištem u Dobrošinu. Savjet mjesne zajednice ima 7 članova.
Obuhvata područja naseljenih mjesta Dobrošin, Mračaj, i Boljkovac.
- 3) MZ Pidriš sa sjedištem u Pidrišu. Savjet mjesne zajednice ima 5 članova.
Obuhvata područja naseljenih mjesta Pidriš i Mačkovac.
- 4) MZ Ždrimci sa sjedištem u Ždrimcima. Savjet mjesne zajednice ima 7 članova.
Obuhvata područja naseljenih mjesta Ždrimci, Seoci i Vrse.
- 5) MZ Gornji Vakuf-Uskoplje 1, sa sjedištem u Gornjem Vakufu-Uskoplju. Savjet mjesne zajednice ima 7 članova.
Obuhvata područje jugoistočnog dijela naseljenog mjesta Gornji Vakuf-Uskoplje, do tromeđe naseljenog mjesta Uzričje, Mračaj i Gornji Vakuf-Uskoplje, zatim ide putem prema Kuku, obodom Partizanskog groblja, spušta se na ulicu Fra Anđela Zvizovića, ide pravcem prema magistralnom putu M16.2, zatim regionalnim putem Gornji Vakuf-Uskoplje – Novi Travnik do tromeđe naseljenih mjesta Batuša, Krupa i Gornji Vakuf-Uskoplje i vraća se granicom naseljenih mjesta Krupa i Gornji Vakuf-Uskoplje u pravcu jugoistoka.
- 6) MZ Gornji Vakuf-Uskoplje 2, sa sjedištem u Gornjem Vakufu-Uskoplju.
Savjet mjesne zajednice ima 7 članova.
Obuhvata područje naseljenog mjesta Gornji Vakuf-Uskoplje sjeverozapadno od MZ Gornji Vakuf-Uskoplje 1 granicom naseljenog mjesta Gornji Vakuf-Uskoplje do rijeke Vrbas, vraća se uzvodno rijekom Vrbas do mosta na regionalnom putu za Novi Travnik, dalje ide regionalnim putem u pravcu ulice Fra Anđela Zvizdovića do polazne tačke.
- 7) MZ Gornji Vakuf-Uskoplje 3, sa sjedištem u Gornjem Vakufu-Uskoplju. Savjet mjesne zajednice ima 7 članova.
Obuhvata sjeveroistočni dio naseljenog mjesta Gornji Vakuf-Uskoplje(Odvode) i naseljena mjesta Batuša i Krupa.
- 8) MZ Uzričje, sa sjedištem u Uzričju. Savjet mjesne zajednice ima 7 članova.
Obuhvata područja naseljenih mjesta Paloč, Uzričje, Duša, Mračaj i Jelače.
- 9) MZ Voljice, sa sjedištem u Voljicu. Savjet mjesne zajednice ima 7 članova.
Obuhvata područje naseljenih mjesta Jagnjid, Kute, Osridak, Gaj, Vaganjac i Voljice.
- 10) MZ Podgrađe, sa sjedištem u Podgrađu. Savjet mjesne zajednice ima 7 članova.
Obuhvata područje naseljenih mjesta Podgrađe, Trnovača, Galičica i Šugine Bare.
- 11) MZ Bistrica, sa sjedištem u Bistrici. Savjet mjesne zajednice ima 7 članova.
Obuhvata područje naseljenog mjesta Bistrica.
- 12) MZ Ploča, sa sjedištem u Ploči. Savjet mjesne zajednice ima 7 članova. Obuhvata područje naseljenih mjesta Ploča, Hrasnica, Vilić Polje i Moščani.
- 13) MZ Grnica, sa sjedištem u Grnici. Savjet mjesne zajednice ima 5 članova.
Obuhvata područje naseljenog mjesta Grnica.
- 14) MZ Pajić Polje, sa sjedištem u Pajić polju. Savjet mjesne zajednice ima 9 članova.
Obuhvata područje naseljenih mjesta Pajić Polje, Duratbegov Dolac, Dražev Dolac, Donja Ričica, Lužani, Rosulje i Humac.
- 15) MZ Bojska, sa sjedištem u Bojskoj. Savjet mjesne zajednice ima 5 članova.
Obuhvata područje naseljenog mjesta Bojska.

Savjeti/vijeće mjesnih zajednica biraju se svake četiri godine i broje od 5-9 članova, vijeća 3 MZ imaju po 5 članova, vijeća 10 MZ imaju po 7 članova i 2 vijeća MZ imaju po 9 članova. Izbori za vijeća MZ biraju se na mandatni period od 4 godine. Na prošlim izborima 2015/2016 godine izabrana su ukupno 103 člana vijeća MZ uz samo jednu žensku osobu i veoma mali broj mladih ljudi. Izbori za vijeća MZ su završeni početkom 2016 godine. Izborni proces većine MZ karakteriše slab odziv mještana na zborovima građana, a što bi trebalo biti jedinstvena prilika za izbor osoba u Vijeće MZ koji će se maksimalno posvetiti rješavanju infrastrukturnih i drugi problema odnosno stvaranju uslova za kvalitetniji život i rad u MZ. Takođe je slaba zainteresiranost mještana za sastanke u MZ po drugim pitanjima bitnim za život u samoj MZ.

Postojeća organizacija od 15 MZ funkcioniše uz određene probleme koji se nastoje rješavati zajedno sa Vijećima MZ. Nezainteresovanost građana za rad u tijelima MZ-a, nedovoljna obučenos članova vijeća za traženje sredstava i realizaciju projekata, slab odziv mladih ljudi i nedostatak službenih prostorija u MZ u kojima bi Vijeća svakodnevno radila, te održavali zborove građana, predstavlja problem od samog početka rada svih mjesnih zajednica. Sve to dobrim dijelom utiče na kvalitet rada samih Vijeća MZ kao i komunikaciju sa građanima i predstavnicima općinske vlasti.

Za održavanje sastanaka koriste se uglavnom školski objekti a u pojedinim MZ i privatni što je još jedan od razloga na slab odziv i nedolazak na sastanke. Općina ima obavezu osigurati najosnovnije uslove za život i rad mještana, a dio odgovornosti za poboljšanje tih uslova moraju preuzimati i građani u mjesnim zajednicama vlastitim aktivnostima koje će općina pomoći organizacijski i finansijski. U toku godine realizacija svih projekata u MZ je tekla u najboljem redu a dobar dio poslova je preuzeo predsjednik ili članovi savjeta MZ kroz rješavanje imovinskih problema, skupljanjem finansija od strane mještana u projektima sufinansiranja ili izvođenje radova i rješavanjem drugih problema. U dosadašnjem periodu izvršen je postupak registracije tri MZ i to MZ Bistrica, MZ Podgrađe i MZ GV-U 2.

Treba napomenuti da za realizaciju infrastrukturnih projekata investitor općina Gornji Vakuf-Uskoplje u dosadašnjem periodu imala je podršku od strane Vijeća MZ ili odbora za izgradnju u svim aktivnostima realizacije infrastrukturnih projekata ili prikupljanju informacija za potrebe općinskih službi. Također predsjednici MZ su u neposrednom kontaktu sa mještanima i prvi kojima se obraćaju mještani tražeći određene informacije vezano za poticaje, konkurse tendere i druge informacije korisne za njihov rad. Općinske službe i organi lokalne administracije po raznim pitanjima komuniciraju sa predsjednicima MZ kao nezaobilazanim partnerima u rješavanju svih pitanja bitnih za bolji i kvalitetniji život u općini. Projekti realizovani po Mjesnim zajednicama u tekućoj godini su:

- Ulična rasvjeta Gornja Hrasnica -MZ Ploča
- Ulična rasvjeta Ždrimci 1 i 2 – MZ Ždrimci
- Asfaltiranje -sanacija puteva u naseljima: Kučice, Grnica, Bistrica, Ulica "Glavica" MZ GVU 2, Hrasnica, Pidriš-Zastalača, Bojska, te radovi koji su u toku ili je potpisan ugovor : Vrse-Ajkići, Vrse dionica Luke –Vrse, Ždrimci naselje Polići i Vukadini, Voljevac-Jelići, Pidriš-Raduša. Za dionice Donja Ričica – Lužani, Dobrošin - naselje Podravne i Progon, Borova Ravan –Pridvorci je potpisan ugovor sa izvođačem radova.
- U MZ GVU-1 završena i puštena u funkciju sportska dvorana na lokaciji Bililo sa svom pratećom infrastrukturuom, kao i nastavak regulacije dijela Vrbasa.

U izvještajnom periodu na području 13 mjesnih zajednica realizovano je više infrastrukturnih projekata (manje vrijednosti) uz finansijsku pomoć općine. Radi se o izgradnji podzida, rigola, sanacija mostova, vodosnabdjevanje, uređenje sportskih igrališta,

pomoći u izgradnji vjerskih objekata i mezarja. U realizaciji skoro svih projekata u MZ općina Gornji Vakuf-Uskoplje je pored finansijske pružala i svaku drugu pomoć kako bi se uslovi života u MZ poboljšali. Zahvaljujući angažovanosti predsjednika MZ brže i efikasnije su realizovani projekti u njihovim MZ. Općinski načelnik kao i općinske službe će biti i dalje otvorene i spremne na saradnju sa MZ kako bi se uspješno riješili svi zahtjevi i poboljšali uslovi života za sve građane.



POMOĆNIK NAČELNIKA
Suad Šišić dipl. ing. met.

Dostaviti:

1. Općinsko vijeće općine
Gornji Vakuf - Uskoplje
2. a/a